

REGLUGERÐ

um greiðslu barnabóta á árinu 1986 o. fl.

1. gr.

Peir gjaldendur sem vænta mega verulegra eftirstöðva barnabóta, þ.m.t. barnabóta-auka skv. lögum nr. 112/1985, til útborgunar við álagningu skatta árið 1986 geta sótt um að fá helming þeirra greiddan fyrirfram á fyrri hluta ársins 1986 að uppfylltum skilyrðum 2. mgr. þessarar greinar.

Fyrirframútborgun fer einungis fram til þeirra sem vænta má að eigi meira en 37 000 kr. eftir af barnabótum sínum vegna ársins 1985 þegar frá hafa verið dregið opinber gjöld fyrir gjaldárið 1986 er um ræðir í 3. mgr. 69. gr. laga nr. 75/1981. Framangreint lágmark gildir sameiginlega fyrir hjón, sbr. 63. gr. laga nr. 75/1981, þannig að útborgun til þeirra fer því aðeins fram að vænta megi að samanlagðar barnabætur þeirra beggja verði a.m.k. hærri en ofangreind fjárhæð þegar þau opinberu gjöld beggja hjóna samanlögð sem um er rætt í 3. mgr. 69. gr. laga nr. 75/1981 hafa verið dregin frá.

Sé helmingur væntanlegra eftirstöðva barnabóta undir helmingi af umræddri fjárhæð kemur ekki til útborgunar fyrirfram.

2. gr.

Peir sem óska fyrirframgreiðslu skulu senda umsókn þar að lútandi til skattstjóra í umdæmi sínu.

Ef um er að ræða sambýlisfólk sem rétt hefur til samsköttunar skulu báðir sambýlis-aðilar undirrita umsókn.

Umsóknarfrestur er til 30. mars 1986.

3. gr.

Skattstjóri áætlar á grundvelli framtals og umsóknar hvers gjaldandi megi vænta til útborgunar á barnabótum árið 1986. Skattstjóri tilkynnir umsækjanda ef umsókn er synjað en samþykktar umsóknir skal senda hlutaðeigandi innheimtumanni ríkissjóðs sem annast útborgun. Útborgun fyrirframgreiðslu er háð takmörkun fjárhæðar skv. 1. gr. og að umsækjandi (eða maki hans ef við á) eigi ekki vangreiddar eftirstöðvar þinggjalda frá fyrri árum.

4. gr.

Útborgun fyrirframgreiddra barnabóta samkvæmt 1.—3. gr. fer fram í apríl/máí 1986.

Þegar í ljós kemur við álagningu skatta hvern rétt gjaldandi á til útborgunar barnabóta á árinu 1986 verður fyrirframgreidd upphæð dregin frá heildarfjárhæðinni og kemur það sem þá stendur eftir til útborgunar á síðari hluta ársins. Komi í ljós við álagningu opinberra gjalda að gjaldandi, sem fengið hefur barnabætur fyrirframgreiddar, hafi fengið ofgreiddar bætur ber honum þegar að endurgreiða hina ofgreiddu fjárhæð viðkomandi innheimtumanni ríkissjóðs.

5. gr.

Heildarfjárhæð barnabóta að frádregnum greiðslum opinberra gjalda skv. 3. mgr. 69. gr. laga nr. 75/1981 og að frádregnum fyrirframgreiddum barnabótum skv. 1.—4. gr. skal skipt í fimm sem næst jafnar greiðslur er koma til útborgunar á fyrstu 15 dögum hvers mánaðar frá ágúst til desember 1986. Þó skal útborgun barnabóta ekki hefjast fyrr en álagningu á einstaklinga í viðkomandi umdæmi er lokið.

Sé heildarfjárhæð eftirstöðva barnabóta lægri en 6 000 kr. skal þeim skipt niður á færri en fimm útborgunardaga þannig að lægri fjárhæð en 2 500 kr. skal ekki skipt og engin greiðsla verði lægri en 1 250 kr. vegna skiptingar. Útborgun fer þá fram á fyrstu útborgunardögum skv. 1. mgr.

6. gr.

Greiðslur til sveitarfélaga á þeim hluta persónuafsláttar og barnabóta, sem ráðstafað er til greiðslu útsvars og aðstöðugjalds ársins 1986 eða fyrri ára, skulu falla á fimm gjalddaga, sem eru 20. ágúst, 20. september, 20. október, 20. nóvember og 20. desember 1986 og vera sem næst fimmti hluti hverju sinni af upphaflegri fjárhæð. Fari svo að álagning í einhverjum umdæmum dragist svo lengi að greiðslu verði ekki við komið í ágústmánuði skulu sveitarfélögum í þeim umdæmum greiddir tveir fimmtu hlutar upphaflegrar fjárhæðar í september.

Í sveitarfélögum þar sem tíðkast að þorri útsvara er greiddur á færri gjalddögum en fimm (t.d. 1—2) skal heimilt að víkja frá ákvæðum 1. mgr. og haga greiðslu í samræmi við það hvernig sveitarsjóði hefðu borist gjöldin ef hann hefði innheimt þau sjálfur hjá gjaldanda.

7. gr.

Reglugerð þessi, sem sett er samkvæmt heimild í 110. gr. og 119. gr. laga nr. 75/1981, um tekjuskatt og eignarskatt, öðlast þegar gildi.

Fjármálaráðuneytið, 17. febrúar 1986.

Þorsteinn Pálsson.

Snorri Olsen.

REGLUGERÐ

um breytingu á reglugerð fyrir Hitaveitu Akureyrar nr. 256/1985.

1. gr.

Í stað orðsins „veitustjórn“ í 4. gr. komi: stjórn veitustofnana.

2. gr.

5. gr. falli niður.

Greinatala breytist skv. því.

3. gr.

Í stað orðsins „Veitustjórn“ í 6. gr. (nú 5. gr.) komi: Stjórn veitustofnana.

4. gr.

Í stað orðsins „veitustjórnar“ í 1. mgr. 7. gr. (nú 6. gr.) komi: stjórnar veitustofnana.

Í stað orðsins „Veitustjórn“ í 8. mgr. 7. gr. komi: Stjórn veitustofnana.

5. gr.

Í stað orðsins „veitustjórnar“ í 1. og 4. mgr. 8. gr. (nú 7. gr.) komi: stjórnar veitustofnana.

Í stað orðsins „veitustjórn“ í 2. mgr. 8. gr. komi: stjórn veitustofnana.

6. gr.

Í stað orðsins „veitustjórnar“ í 2. mgr. 9. gr. (nú 8. gr.) komi: stjórnar veitustofnana.